

«Էդիթ Պրինտ» հրատարակչություն

Ավարտական հետազոտական աշխատանք

Թեմա՝ Էքսկուրսիաների և մշակութային այցեր դերը սաների
զարգացման գործում

Հաստատություն՝ Օշականի թիվ 8 Անահիտ մ/մ ՀՈԱԿ

Դաստիարակ՝ Նելլի Աբխողովյան

Դեկավար՝ Ժաննա Ավետիսյան

2023թ.

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ.....	3
ԳԼՈՒԽ 1. ԷՔՍԿՈՒՐՍԻԱՆԵՐԸ ԵՎ ՄՇԱԿՈՒՅԹԱՅԻՆ ԱՅՑԵՐԸ ՈՐՊԵՍ ՄԱՆԿԱՊԱՐՏԵԶԻ ՈՒՍՈՒՄՆԱԴԱՍՏԻԱՐԱԿԶԱԿԱՆ ԳՈՐԾԸՆԹԱՑԻ ԿԱԶՄԱԿԵՐՊՄԱՆ ՄԱՍ	
1.1 Էքսկուրսիաների և մշակույթային այցերի դերը և նշանակությունը մանկապարտեզի ուսումնադաստիարակչական գործընթացում.....	5
1.2 Նախադպրոցական ուսումնական հաստատություններում Էքսկուրսիաների և մշակույթային այցերի կազմակերպման տեսակներն ու փուլերը.....	8
ԳԼՈՒԽ 2. ՀԵՏԱԶՈՏԱԿԱՆ ԱՇԽԱՏԱՆՔ ՈՒՂԴԱԾ ՍԱՆԵՐԻ ԶԱՐԳԱՑՄԱՆ ԳՈՐԾՈՒՄ ԷՔՍԿՈՒՐՍԻԱՆԵՐԻ ԵՎ ՄՇԱԿՈՒՅԹԱՅԻՆ ԱՅՑԵՐԻ ԱՐԴՅՈՒՆԱՎԵՏՈՒԹՅԱՆ ՀԻՄՆԱԿՈՐՄԱՆԸ.....	12
ԵԶՐԱԿԱՑՈՒԹՅՈՒՆՆԵՐ.....	19
ԳՐԱԿԱՆՈՒԹՅԱՆՑԱՆԿ.....	20

ՆԵՐԱԾՈՒԹՅՈՒՆ

Թեմայի արդիականությունը. Նախադպրոցականի ուսումնադաստիարակչական գործընթացում կարևոր տեղ են զբաղեցնում էքսկուրսիաները և մշակույթային այցերը: Դրանք ուղղված են մանկավարժի կողմից երեխաներին գիտելիքների, հմտությունների և կարողությունների փոխանցմանը: Էքսկուրսիաները հնարավորություն են տալիս բնական պայմաններում նախադպրոցականներին ծանոթացնել բնության երևույթներին, սեզոնային փոփոխություններին, մարդու աշխատանքին, որն ուղղված է շրջակա միջավայրի վերափոխմանը: Մշակույթային այցերի միջոցով կարելի է երեխաների մեջ սերմանել սեր հայրենիքի, բնության նկատմամբ, հետաքրքրություն առաջացնել մշակույթային արժեքների նկատմամբ, զարգացնել պատկերացումները անձի, հասարակության մասին: Էքսկուրսիաների ընթացքում նախադպրոցականները ծանոթանում են բնությանը իր ողջ բազմազանությամբ, սովորում են նկատել երևույթների փոխկապակցվածությունը: Ուսումնական տեսանկյունից էքսկուրսիաները արժեքավոր են նրանով, որ դրանք բնության գրկում դիտարկումներ կատարելու լավագույն ձևերից են: Ուստի թեմայի արդիականությունը պայմանավորված է նախադպրոցականների զարգացման գործընթացում էքսկուրսիաների և մշակույթային այցերի արդյունավետության ուսումնասիրության անհրաժեշտությամբ:

Չետագոտության նպատակն է՝ ուսումնասիրել և վերլուծել էքսկուրսիաների և մշակույթային այցերի դերը նախադպրոցականների զարգացման գործընթացում:

Չետագոտության նպարակից բխում են հետևյալ խնդիրները.

1. Ուսումնասիրել հիմնախնդրի վերաբերյալ մասնագիտական գրականություն:
2. Վերլուծել էքսկուրսիաների և մշակույթային այցերի մանկավարժական հնարավորությունները մանկապարտեզի ուսումնադաստիարակչական գործընթացում:
3. Հիմնավորել էքսկուրսիաների և մշակույթային այցերի արդյունավետությունը սաների զարգացման գործում:

Չետագոտության ընթացքում կիրառվել են հետևյալ **մեթոդները** .

- մասնագիտական գրականության ուսումնասիրություն և վերլուծություն
- դիտում, զրույց, հարցում

Չետագոտական աշխատանքի կառուցվածքը. Աշխատանքը բաղկացած է ներածությունից, երկու գլխից՝ տեսական և հետագոտական, եզրակացություններից, գրականության ցանկից: Համակարգչային շարվածքով աշխատանքը կազմում է 20 էջ:

**ԳԼՈՒԽ 1. ԷՔՍԿՈՒՐՍԻԱՆԵՐԸ ԵՎ ՄՇԱԿՈՒՅԹԱՅԻՆ ԱՅՑԵՐԸ ՈՐՊԵՍ
ՄԱՆԿԱՊԱՐՏԵԶԻ ՈՒՍՈՒՄՆԱԴԱՍՏԻԱՐԱԿԶԱԿԱՆ ԳՈՐԾԸՆԹԱՑԻ
ԿԱԶՄԱԿԵՐՊՄԱՆ ՄԱՍ**

**1.1 Էքսկուրսիաների և մշակույթային այցերի դերը և նշանակությունը
մանկապարտեզի ուսումնադաստիարակչական գործընթացում**

Էքսկուրսիան պարապմունքների և Էկոլոգիական կրթության կազմակերպման ձևերից մեկն է և հանդիսանում է ուսումնադաստիարակչական աշխատանքների կազմակերպման բարդ ձևերից: Այն որպես ուսուցման մեթոդ սկսվել է կիրառվել Արևմտյան Եվրոպայի և Ռուսաստանի մանկավարժների կողմից 18-րդ դարի վերջին և 19-րդ դարի սկզբին: Ուսուցման այս ամենահետաքրքիր ձևի անվանումը գալիս է լատիներեն «excursio» բառից:

Ճիշտ կազմակերպված և անցկացված էքսկուրսիաները և մշակույթային այցերը ինքնին դաստիարակության այնպիսի միջոց են, որոնց օգնությամբ կարելի է դիտարկել և շտկել երեխաների վարքի խնդիրները, որոնք միշտ չէ, որ տեսանելի են սովորական պարապմունքների ժամանակ: Էքսկուրսիաների և մշակույթային այցերի ժամանակ բացահայտվում են յուրաքանչյուր երեխայի և ընդհանուր մանկական կոլեկտիվի առանձնահատկությունները:

Էքսկուրսիաները հնարավորություն են տալիս բնական պայմաններում նախադպրոցականներին ծանոթացնել բնության երևույթներին, սեզոնային փոփոխություններին, մարդու աշխատանքին, որն ուղղված է շրջակա միջավայրի վերափոխմանը:

Էքսկուրսիաների ընթացքում նախադպրոցականները ծանոթանում են բնությանը իր ողջ բազմազանությամբ, սովորում են նկատել երևույթների փոխկապակցվածությունը:

Ուսումնական տեսանկյունից էքսկուրսիաները արժեքավոր են նրանով, որ դրանք բնության գրկում դիտարկումներ կատարելու լավագույն ձևերից են: Էքսկուրսիաների ընթացքում երեխաները բնական պայմաններում անմիջականորեն ծանոթանում են կենդանիներին, և ոչ մի ձեռնարկ, գիրք, լուսանկար և արհեստական մոդել չի կարող փոխարինել դրան:

Էքսկուրսիաները թույլ են տալիս շատ ավելի խորը և ամբողջական ուսումնասիրել բնության երևույթների և օբյեկտների բազմազանությունը, և հասկանալ օրգանիզմների փոխկապակցվածությունը շրջակա միջավայրի պայմանների հետ (սա հանդիսանում է Էկոլոգիական կրթության հիմքը) [2, էջ 239]:

Էքսկուրսիաների ընթացքում նախադպրոցականները ձեռք են բերում ինքնուրույն հետազոտելու և դիտարկումներ կատարելու հմտություններ: Դիտարկելու, համեմատելու և ընդհանրացումներ կատարելու կարողությունը երեխաների մոտ առաջացնում է մեծ հետաքրքրություն այն ամենի նկատմամբ, ինչ նրանք ուսումնասիրում են, իսկ ճանաչողության գործընթացն ինքնին ուղեկցվում է բազմաթիվ հույզերով: Այսպիսի ուսուցումը ոչ միայն գրավում է նախադպրոցականներին այլևս Էքսկուրսիաների ընթացքում տեսածը սովորաբար հեշտ է հիշվում և երկար է մնում: Իսկ Էքսկուրսիաների ընթացքում հավաքված նյութերը անսպառ աղբյուր են հանդիսանում հետագա պարապմունքների, խաղերի և աշխատանքային գործունեության համար:

Այսպիսով, մի կողմից բնության գրկում Էքսկուրսիաները խորացնում, կոնկրետացնում, ընդհանրացնում են նախկինում ձեռք բերված գիտելիքները, իսկ մյուս կողմից նյութ են տրամադրում հետագա ուսումնասիրությունների, խաղերի և աշխատանքային գործունեության համար:

Էքսկուրսիաները նաև դաստիարակչական իմաստով մեծ նշանակություն ունեն: Միայն Էքսկուրսիայի ընթացքում են երեխաները սովորում վերաբերվել բնությանը որպես ընկերոջ և համոզվում են դրա պաշտպանության անհրաժեշտության մեջ, քանի որ միայն Էքսկուրսիաների ժամանակ է հնարավոր երեխաներին ցույց տալ բնության գեղեցկությունը: Հայրենի բնության հետ ծանոթությունը նաև հայրենիքի հանդեպ սեր սերմանելու առաջին քայլն է:

Մշակույթային այցերը դեպի թանգարաններ, թատրոններ և ճարտարապետական հուշարձաններ զարգացնում են նախադպրոցականների ստեղծագործական երևակայությունը, գեղեցիկը տեսնելու և գնահատելու ունակությունը, գեղագիտական ճաշակը, ակտիվացնում են սանի ուշադրությունը, դիտողականությունը, հիշողությունը, զգայական ունակությունները:

Էքսկուրսիաներն ու մշակույթային այցերը բարենպաստ ազդեցություն են ունենում նաև նախադպրոցականների ֆիզիկական զարգացման գործընթացում: ԲԺՊՀ և մանկավարժ Յե. Ա. Արկինը գրել է, որ օրվա ընթացքում զբոսանքները երեխայի առողջությունը բարելավելու ամենաօգտակար և լավագույն միջոցն են: Մաքուր օդում Էքսկուրսիաները նպաստում են երեխայի ֆիզիկական ակտիվությանը և բավարարում աճող և զարգացող օրգանիզմի կարիքները, ինչն իր հերթին նպաստում է արյան թթվածնով հարստացմանը [2, էջ 240]:

Ինչպես ցույց է տալիս «Էքսկուրսիա» բառի իմաստը (լատ. *excursio* - «ելք»), այն իրականացվում է մանկապարտեզի տարածքից դուրս: Սովորաբար Էքսկուրսիաները անցկացվում են սեզոնում 1-2 անգամ: Էկոլոգիական Էքսկուրսիաների

բովանդակությունը որոշվում է այն ծրագրով, որով գործում է նախադպրոցական ուսումնական հաստատությունը: Դրան համապատասխան՝ նախադպրոցականները պետք է բազմակողմանի գիտելիքներ ձեռք բերեն կենդանական և բուսական աշխարհի և բնության երևույթների մասին: Էքսկուրսիաների պլանավորումն իրականացվում է հաշվի առնելով սեզոնային փոփոխությունները և տեղական պայմանները: Դաստիարակը պետք է այնպիսի պայմաններ ստեղծի, որ երեխաները ծանոթանան բուսական և կենդանական աշխարհի ամենավառ և հետաքրքիր օբյեկտներին, սեզոնային երևույթներին և գյուղատնտեսական աշխատանքի տեսակներին:

Էքսկուրսիաների և մշակույթային այցերի բովանդակությունը մշակելիս հաշվի է առնվում տեղանքի և սեզոնային երևույթների փոփոխության սկզբունքը, ինչն ապահովում է նյութի ընկալման արդյունավետությունը, իսկ երեխաների մտածողության առանձնահատկություններին համապատասխան գիտելիքների աստիճանական բարդացումը նպաստավոր պայմաններ է ստեղծում նախադպրոցականների ճանաչողական հետաքրքրասիրության զարգացման համար: Դրանց նպատակը կարող է տարբեր լինել: Որոշ դեպքերում էքսկուրսիաները ծառայում են բնության երևույթներին, գյուղատնտեսական աշխատանքներին նախնական ծանոթությանը, իսկ հետագա բոլոր ուսումնական աշխատանքներն ուղղված են ձեռք բերած գիտելիքների պարզաբանմանը, ընդլայնմանը, կոնկրետացմանն ու ընդհանրացմանը: Մյուս դեպքում էքսկուրսիա է իրականացվում գիտելիքները պարզաբանելու և ընդհանրացումներ կատարելու համար: Օրինակ, ավագ նախադպրոցականները բնության կենտրոնում կատարում են բույսերի դիտարկումներ, իսկ ջերմոց այցելությունը կարելի է օգտագործել խոնավությունից, լույսից և ջերմությունից բույսերի աճի և զարգացման կախվածության մասին գիտելիքների ընդհանրացումն նպատակով:

Բնության գրկում էքսկուրսիաների ժամանակ երեխաներին ծանոթացնում են բնական պայմաններում տարբեր բույսերի և կենդանիների առանձնահատկություններին (մարգագետնի և դաշտային բույսեր, թռչուններ և այլն): Միջին նախադպրոցական տարիքից սկսած երեխաներին ցուցադրվում են որոշ բուսական և կենդանական պարզ կենսացենոլոգիական կապեր: Այսպիսով, երեխաները բացահայտում են, որ որոշ թռչուններ սնվում են միջատներով, օգուտ են տալիս անտառին; մրջյունները անտառի սանիտարներ են հանդիսանում; ոչ միայն շատ միջատներ չեն կարող ապրել առանց բույսերի, այլ և շատ բույսեր փոշոտվում են միջատների միջոցով [2, էջ 242]:

Այսպիսով, որպես ուսուցման հետաքրքիր ձև էքսկուրսիաներն ու մշակույթային այցերն առանձնահատուկ տեղ են զբաղեցնում մանկապարտեզի ուսումնադաստիարակչական գործընթացում:

1.2 Նախադպրոցական ուսումնական հաստատություններում էքսկուրսիաների և մշակույթային այցերի կազմակերպման տեսակներն ու փուլերը

Խորհրդային մեծ հանրագիտարանում «էքսկուրսիան» հասկացվում է որպես «տեսարժան վայրեր այցելելը (մշակույթային հուշարձաններ, թանգարաններ, ձեռնարկություններ, և այլն), այն գիտելիք ձեռք բերելու ձև կամ մեթոդ է: Էքսկուրսիան այն մեթոդն է, որով կարելի է դիտողականորեն ձեռք բերել որոշակի գիտելիքներ՝ այցելելով նախատեսված թեմային համապատասխանող օբյեկտներ:

Առանձնացնում ենք էքսկուրսիաների և մշակույթային այցերի հետևյալ տեսակները.

1. Ըստ բովանդակության.

- ✓ **թեմատիկ**, որոնք կարող են լինել պատմական (բացահայտում է որևիցե ժամանակաշրջան, կամ էքսկուրսիաներ դեպի ռազմական իրադարձությունների հիշարժան վայրեր);
- ✓ **արտադրություններին վերաբերող էքսկուրսիաներ** (բացահայտում է կոնկրետ ձեռնարկության պատմությունը, ցույց է տալիս ողջ արտադրության գործընթացը);
- ✓ **բնական էքսկուրսիաներ** (էքսկուրսիաներ դեպի բնության հուշարձաններ կամ պատմության թանգարաններ);
- ✓ **արվեստի ուղղվածությամբ էքսկուրսիաներ** (բացահայտում է որևիցե նկարչի պատմությունը, էքսկուրսիաներ դեպի արվեստի պատկերասրահներ);
- ✓ **գրական, ճարտարապետական և քաղաքաշինական էքսկուրսիաներ** (ուղղված են քաղաքի նախագծի և յուրահատուկ օբյեկտների ուսումնասիրմանը);

2. **Ըստ կազմության և մասնակիցների քանակի՝** անհատական և կոլեկտիվ, տեղական բնակչության, նախադպրոցական տարիքի երեխաների համար և այլն:

3. **Ըստ անցկացման վայրի՝** քաղաքային, թանգարանային և այլն:

4. **Ըստ տեղաշարժման միջոցի՝** հետիոտն կամ օգտագործող տրանսպորտի տարբեր տեսակներ:

5. **Ըստ տևողության** - 4 թույլից մինչև մեկ օր:

6. **Ըստ անցկացման ձևի** - Էքսկուրսիա-գրասանք, Էքսկուրսիա-դասախոսության, փորձնական Էքսկուրսիա [4, էջ 283]:

Էքսկուրսիաների և մշակութային այցերի պլանավորման ժամանակ անհրաժեշտ է պահպանել հետևյալ սկզբունքները.

- դրանք պետք է ապահովեն ուսումնասիրվող օբյեկտների և բնական երևույթների ընկալման վառ ամբողջականությունը, ինչը կնպաստի երեխաների մոտ հետաքրքրասիրության առաջացմանը;
- դեպի նույն վայր կրկնվող Էքսկուրսիաները պետք է պլանավորել այն ժամանակ, երբ դիտարկվող օբյեկտում կամ սեզոնային երևույթների մեջ տեղի է ունենում նկատելի փոփոխություններ;
- Էքսկուրսիաների և մշակութային այցերի ծրագրի բովանդակության աստիճանական բարդացումը պետք է ընթանա երկու ուղղությամբ՝ դիտարկվող երեւույթների շրջանակի ընդլայնում և նույն օբյեկտների, երևույթների մասին գիտելիքների ընդհանրացում;
- Էքսկուրսիաների և մշակութային այցերի հստակ հաջորդականություն և դրանց միջև փոխկապակցվածություն:

Յուրաքանչյուր Էքսկուրսիայի կամ մշակութային այցի ընթացքում կրթական և դաստիարակչական խնդիրները լուծվում են միասնաբար: Ուստի այն պլանավորելիս հաշվի է առնվում երեխաների գիտելիքները և դիտարկումներ կատարելու կարողությունները: Մինևույն ժամանակ կարևոր է, որ Էքսկուրսիաները նպաստեն երեխաների մոտ բնության նկատմամբ հոգատար վերաբերմունքի ձևավորմանը, ուստի անհրաժեշտ է նրանց ներգրավել մեծահասակների մատչելի բնապահպանական գործունեության մեջ (օրինակ՝ ծառերի ինսամբ, կենդանիների կերակրում, սեզոնային աշխատանք այգում և այլն) [2, էջ 244]:

Էքսկուրսիայի և մշակութային այցի արդյունավետությունը մեծապես պայմանավորված է նրանով, թե որքան հստակ է մշակված դրա կառուցվածքը, սահմանված են նպատակները, յուրաքանչյուր փուլի կազմակերպման և անցկացման մեթոդաբանությունը:

Էքսկուրսիաների և մշակութային այցերի կազմակերպման գործընթացը կարելի է բաժանել երեք փուլի.

I փուլ – նախապատրաստական. այս փուլում ուսումնական դաստիարակչական աշխատանքը ուղղված է երեխաներին կազմակերպելուն, նրանց փորձի բացահայտմանը, առաջիկա դիտարկման համար նպատակ սահմանելուն, հուզական տրամադրություն ստեղծելուն և հետաքրքրություն առաջացնելուն:

Նախապատրաստական աշխատանքները սկսվում են էքսկուրսիայից մի քանի օր առաջ, իսկ ավարտվում անմիջապես այն սկսելուց առաջ, երբ դաստիարակը հիշեցնում է երեխաներին վարքի կանոնների մասին:

II փուլ - կոլեկտիվ դիտարկում, այսինքն երեխաների ճանաչողական և գործնական գործունեության կազմակերպում: Դրա արդյունավետությունը կախված է դաստիարակի կողմից կիրառված դաստիարակության և ուսուցման մեթոդներից և միջոցներից: Հիմնական մեթոդներից է օբյեկտների և բնական երևույթների դիտարկումը, որն ուղեկցվում է բացատրություններով և մանկավարժի հարցերով, որոնք կարելի է բաժանել երեք տեսակի.

- ✓ հարցեր, որոնք ուղղված են դիտարկվող կենդանու մարմնի մասերի, տեղաշարժման և առանձնահատկությունների ուսումնասիրության ընթացքում երեխաների ուշադրության կենտրոնացմանը:
- ✓ հարցեր, որոնք պահանջում են կատարել համեմատություններ և ընդհանրացումներ;
- ✓ ստեղծագործ երևակայությունը խթանող հարցեր, որոնք նպաստում են ինքնուրույն եզրակացություններ կատարելուն:

Էքսկուրսիաների և մշակույթային այցերի ընթացքում էական նշանակություն ունի երեխաների կողմից տարբեր գործնական առաջադրանքների կատարումը, որոնք բխում են դրանց բովանդակությունից և ապահովում են տարբեր օբյեկտների և երևույթների մասին արդյունավետ գիտելիքների յուրացմանը:

Էքսկուրսիայի **III փուլը եզրափակիչն է**: Այն ընդգրկում է հետէքսկուրսիոն ուսումնադաստիարակչական բոլոր աշխատանքները՝ ուղղված գիտելիքների խորացմանը, համակարգմանը և ընդհանրացմանը [3, էջ 23]:

Այսպիսով, երեխաների հետ հետէքսկուրսիոն ուսումնադաստիարակչական աշխատանքը պետք է իր բովանդակությամբ և ձևով լինի բազմազան, ինչը նպաստում է բնության և մշակույթային արժեքների նկատմամբ երեխաների հետաքրքրության խորացմանը, հայրենիքի նկատմամբ սիրո սերմանմանը, և նրանց համակողմանի զարգացմանը:

**ԳԼՈՒԽ 2. ՀԵՏԱՉՈՏԱԿԱՆ ԱՇԽԱՏԱՆՔ ՈՒՂԴԱԾ ՍԱՆԵՐԻ ՉԱՐԳԱՑՄԱՆ
ԳՈՐԾՈՒՄ ԷՔՍԿՈՒՐՍԻԱՆԵՐԻ ԵՎ ՄՇԱԿՈՒՅԹԱՅԻՆ ԱՅՑԵՐԻ
ԱՐԴՅՈՒՆԱՎԵՏՈՒԹՅԱՆ ՀԻՄՆԱՎՈՐՄԱՆԸ**

Հետազոտական աշխատանքի գործնական մասն անցկացրել եմ մարզ Արագածոտնի Օշական գյուղի Անահիտ մանկապարտեզում:

Ներկայացնում եմ իմ կազմակերպած էքսկուրսիաները, որի ընթացքում նախապատրաստական փուլում ուսումնադաստիարակչական աշխատանքը ուղղված էր երեխաներին կազմակերպելուն, առաջիկա դիտարկման համար նպատակ սահմանելուն, հուզական տրամադրություն ստեղծելուն և հետաքրքրություն առաջացնելուն: Երկրորդ փուլի նպատակն էր երեխաների ճանաչողական և գործնական գործունեության կազմակերպումը: Օբյեկտների և բնական երևույթների դիտարկումը ուղեկցվել է բացատրություններով և հարցերով: Հարցերն ուղղված են եղել դիտարկվող օբյեկտների առանձնահատկությունների ուսումնասիրության ընթացքում երեխաների ուշադրության կենտրոնացմանը, համեմատելու, ընդհանրացումներ և ինքնուրույն եզրակացություններ կատարելու կարողությունների ձևավորմանը:

Էքսկուրսիայի ընթացքում էական նշանակություն ունի երեխաների կողմից տարբեր գործնական առաջադրանքների կատարումը, որոնք բխում են էքսկուրսիայի բովանդակությունից և նպաստում են տարբեր օբյեկտների և երևույթների մասին արդյունավետ գիտելիքների յուրացմանը:

Էքսկուրսիայի ամփոփումն ընդգրկում էր հետէքսկուրսիոն ուսումնադաստիարակչական բոլոր աշխատանքները՝ ուղղված գիտելիքների խորացմանը, համակարգմանը և ընդհանրացմանը:

Ստորև ներկայացնում եմ իմ կողմից կազմակերպված էքսկուրսիաները:

Էքսկուրսիա 1. /Էքսկուրսիա դեպի բուսաբանական այգի/

Դեպի բուսաբանական այգի էքսկուրսիայի կազմակերպման նախապատրաստական փուլում գրույց եմ անցկացրել երեխաների հետ.

- Երեխաներ, բուսաբանական այգին գտնվում է Երևան քաղաքում: Այգում գտնվում է վարդերի կոլեկցիոն հողամասը, հնէաբուսաբանական թանգարանը և չորս դենդրարիոնները: Դենդրարիոններում ծառերի, թփերի, փաթաթվող բույսերի հավաքածուներ են ներկայացված: Բուսաբանական այգում ներկայացված են նաև մի շարք հազվագյուտ և անհետացող բուսատեսակներ: Բոլոր նրանք ովքեր սիրում են բնությունը, պետք է այցելեն բուսաբանական այգի:

Այնուհետև խոսեցինք բնության գրկում վարքի կանոնների մասին: Հետո վերհիշեցինք բնության մասին բանաստեղծություններ և երգեր, որոնք կարող էինք այնտեղ արտասանել և երգել: Այնուհետև երեխաների հետ մախասին այցելեցինք բուսաբանական այգի:

Երեխաների հետ շրջել ենք բուսաբանական այգում, ուսումնասիրել տարբեր բուսատեսակներ: Աշխատանքն ուղեկցվել է բացատրություններով, երեխաների ուշադրությունը կենտրոնացնող հարցերով: Չրույց եմ անցկացրել մարդու կյանքում բնության դերի մասին:

- Երեխաներ բնությունը մեր կյանքում շատ կարևոր դեր ունի, առանց բնության մենք չենք կարող ապրել, չէ որ բույսերը մեզ թթվածին են տալիս, դրանք նաև սնունդ են հանդիսանում մեր և կենդանական աշխարհի համար: Մենք պետք է սիրենք և հոգ տանենք մեզ շրջապատող միաջավայրը: Իսկ այժմ եկեք հանելուկներ կռահենք:

Իմ ու քո գլխի վերևով
Սպիտակ փոքրիկ գառնուկ վազեց,
Մինչ դիմացի անտառ հասավ,
Նվազեց ու անհետացավ:
(Ամպ)

Ողջ աշխարհը ջերմացնում է,
Ձերմ ժպտում է բոլորին:
Ամռանը նրանից փախչում ենք,
Իսկ ձմռանը կարոտում ենք:
(Արև)

Դաշտի գարդն է, գույնը՝ ալ,
Ամեն այտին մի սև խալ:
(Կակաո)

Այն ինչն է, ինչը, հոտն անուշ,
Ինքը՝ կարմիր, կոթը՝ փուշ:
(Վարդ)

Երեխաները նաև վերհիշեցին բնության թեմայով բանաստեղծությունները և երգերը: Իսկ էքսկուրսիայից վերադառնալուց հետո երեխաները պատմեցին իրենց տպավորությունները և հարցերի միջոցով ամփոփեցինք աշխատանքը:

Էքսկուրսիա 2

Երկրորդ էքսկուրսիան անցկացրել եմ մանկապարտեզի բակում, որտեղ երեխաների հետ միասին ծանոթացել ենք բնության մեջ տեղի ունեցող փոփոխություններին:

Թեմա՝ «Աշուն»

Խումբ՝ ավագ (5-6)

Տևողություն՝ 25-30ր

Նպատակ՝ Էքսկուրսիայի միջոցով ծանոթացնել երեխաներին աշնանը տեղի ունեցող երեւույթներին:

Խնդիրներ.

Կրթական՝ սովորեցնել երեխաներին նկատել աշնան հատկանիշները և նկարագրել դրանք:

Դաստիարակչական՝ դաստիարակել միմիանց զիճելու, հանդուրժելու, լսելու կարողությունը:

Չարգացնող՝ զարգացնել երեխաների մտածողությունը, ուշադրությունը և երևակայությունը:

Հանելուկի կռահում

Երեխաներ փորձեք կռահել հանելուկը.

Այն ի՞նչն է, ի՞նչը,

Ունի տարբեր տեսակ ծառեր,

Տարբեր գույնի տերևներ,

Մի քիչ ցուրտ է, մի քիչ տաք

Ծիածանով եղանակ:

(Աշուն)

- Երեխաներ տարվա ո՞ր եղանակն է: Այո ճիշտ է, դրսում աշուն է, ծառերը ներկվել են գույնզգույն տերևներով: Աշունը տարվա չորս եղանակներից մեկն է: Այնուհետև ցուցադրում ենք աշնան նկարներ:
- Երեխաներ, հիմա կցուցադրեմ նկարներ և դուք կպատմեք, թե ինչ եք տեսնում նկարում, ի՞նչ գույներ ունեն ծառերը:



Ֆիզկուլտ դադար. Երեխաներ պատկերացրեք հանկարծ անձրև է գալիս, եկեք փորձենք մատների միջոցով ստանալ անձրևի ձայն: Հիմա անձրևը ուժեղացավ և հանկարծ կարկուտ եկավ, ձեռքի ափերով հարվածում ենք մեր ոտքերին, իսկ հիմա կարկուտը դադարեց և դուրս եկավ ծիածանը: Փորձեք ձեռքերը աջ կողմից տանել ձախ կողմ և ասել՝ ծիածանը դուրս եկավ և մեզ լայն ժպտաց:

Այնուհետև երեխաներին առաջարկեցի զննել մանկապարտեզի բակի տարածքը և պատմել, թե ինչ են տեսնում:

Էքսկուրսիան ամփոփեցինք խմբասենյակում, երեխաների կերպարվեստային աշխատանքով: Երեխաները իրենց ցանկությամբ ընտրեցին աշխատանքի կատարման եղանակը, մի քանիսը կատարեցին բնապատկերի, ծաղկամանի մեջ աշնանային ծաղիկների փնջի նկարչություն, ոմանք էլ զամբյուղում սնկերի կամ սկուտեղի մեջ մրգերի ապլիկացիա: Նշեմ նաև, որ աշխատանքները կատարվել են Էքսկուրսիայի ընթացքում հավաքված բնական նյութերից: Այս փուլի մանկավարժական խնդիրներն էին երեխաների ստեղծագործական ունակությունների և նրանց գեղարվեստական կարողությունների զարգացումը:

Էքսկուրսիա 3

Թեմա՝ «**Ծառի կեղևը**»

Տարիքային խումբ՝ ավագ (5-6)

Տևողություն՝ 25-30

Մեթոդներ՝ դիտման, զրույցի, հարցման և ցուցադրման

Նպատակը՝ ծանոթացնել երեխաներին ծառի կեղևի հետ:

Խնդիրներ.

Կրթական՝ սովորեցնել երեխաներին տարբերակել հիվանդ, առողջ և վնասված ծառի կեղևները:

Չարգացնող՝ զարգացնել երեխաների ուշադրությունը, արագ կողմնորոշվելու կարողությունը, մտածողությունը:

Դաստիարակչական՝ դաստիարակել հոգատարություն, սեր և խնայողական վերաբերմունք բնության նկատակալք:

Ընթացքը.

Հանելուկի կռահում

Ձեռքեր չունի ծափ է տալիս

Քամու երգին չափ է տալիս:

(*Ծառ*)

Երեխաների հետ միասին նստեցինք ծառի շուրջ, այնուհետև հարցերի միջոցով սկսեցինք մեր ճանաչողական բնույթի էքսկուրսիան:

Հարցեր.

- Ի՞նչ եք կարծում ծառը շնչում է:

- Ի՞նչու է շնչում ծառը:
- Ի՞նչպես է շնչում այն և այլն:

Երեխաներ, ինձ մոտ կա մի նկար, ապա տեսնենք ինչ է պատկերված այստեղ (ծառի կեղև): Իսկ նկարում պատկերված կեղևը նմա՞ն է մեր բակի ծառերի կեղևներին: Ի՞նչի համար է անհրաժեշտ ծառի կեղևը ծառին (կեղևը պաշտպանում է ծառը արտաքին վտանգներից): Ի՞նչ էք կարծում, ի՞նչից կարող է պաշտպանել կեղևը ծառին: Ապա տեսեք, ծառի ճյուղի կեղևը բարակ է, իսկ բնի կեղևը հաստ ու կոպիտ: Որքան ծառի կեղևը կոշտ է, այնքան ծառի տարիքը մեծ է, որպեսզի ծառը կտրեն և օգտագործեն որպես ամուր փայտ՝ շինարարության, կահույքի, թղթի և արտադրության մեջ, նախ որոշում են ծառի տարիքը ու եթե այն ծեր է և հիվանդ, ապա կտրում են: Ծառի վրա կարող են լինել վնասատու միջատներ, որոնք վնաս են պատճառում նրան: Անտառի բժիշկը՝ փայտփորիկը կտցահարում և ոչնչացնում է վնասատու միջատներին:

Իսկ այժմ խաղի միջոցով կամփոփենք մեր փոքրիկ էքսկուրսիան:

Խաղ. «Ձարդարենք ծառը գույնզգույն տերևներով»: Երեխաներին ներկայացնում ենք թղթի վրա պատկերված ծառ առանց տերևների և առաջարկում այն զարդարել աշևան գույներով: Նախապես պատրաստված զամբյուղ ենք ունենում, որին մոտենում են երեխաները, վերցնում մեկ թղթե գունավոր տերև և փակցնում որտեղ որ ցանկանում են (ծառի ճյուղերին): Վերջում ստանում ենք գեղեցիկ աշևանային ծառ:

ԵՇՐԱԿԱՑՈՒԹՅՈՒՆՆԵՐ

Այսպիսով, ուսումնասիրելով ինդրին առնչվող մասնագիտական գրականությունը և հենվելով իրականացված հետազոտության վրա՝ կարող եմ փաստել, որ

- Էքսկուրսիաներն ու մշակույթային այցերը թույլ են տալիս ավելի խորը և ամբողջական ուսումնասիրել բնության երևույթների, օբյեկտների բազմազանությունը: Դրանց ընթացքում նախադպրոցականները ձեռք են բերում ինքնուրույն հետազոտելու և դիտարկումներ կատարելու հմտություններ, ինչն էլ երեխաների մոտ առաջացնում է մեծ հետաքրքրություն այն ամենի նկատմամբ, ինչ նրանք ուսումնասիրում են: Դրանք նաև խորացնում, կոնկրետացնում, ընդհանրացնում են նախկինում ձեռք բերված գիտելիքները
- Մանկապարտեզի ուսումնադաստիարակչական գործընթացում Էքսկուրսիաների և մշակույթային այցերի մանկավարժական հնարավորությունները մեծ են: Դրանց արդյունավետությունը կախված է դաստիարակի կողմից կիրառված դաստիարակության և ուսուցման մեթոդներից և միջոցներից: Էքսկուրսիան անհրաժեշտ է ուղեկցել բացատրություններով և հարցերով, որոնք ուղղված պետք է լինեն նախադպրոցականների ուշադրության կենտրոնացմանը, համեմատություններ, ընդհանրացումներ և ինքնուրույն եզրակացություններ կատարելու կարողությունների զարգացմանը:
- Ամփոփելով իմ կողմից կատարված աշխատանքը կարող եմ եզրակացնել, որ մանկապարտեզի ուսումնադաստիարակչական գործընթացում Էքսկուրսիաների և մշակույթային այցերի դերը անփոխարինելի է: Այն ոչ միայն թույլ է տալիս ավելի խորը և ամբողջական ուսումնասիրել բնության երևույթների, օբյեկտների բազմազանությունը, ձեռք բերել ինքնուրույն հետազոտելու և դիտարկումներ կատարելու հմտություններ, այլ նաև ձևավորում է համատեղ գործունեության կարողություններ:

ԳՐԱԿԱՆՈՒԹՅԱՆ ՑԱՆԿ

1. Մարտիրոսյան Գ. «Էկոլոգիական դաստիարակությունը նախադպրոցական տարիքում», Երևան 2002թ, 78 էջ;
2. Гончарова Е.В.. Теория и методика экологического образования детей дошкольного возраста. Курс лекций для студентов высших педагогических учебных заведений. 2008 -326 с.
3. Куликова Т.А. Экскурсии в природу с детьми дошкольного возраста– М.: Просвещение, 2015. – 55с.
4. Столяренко А.М. Общая педагогика: учеб. пособие для студентов вузов по педагогическим специальностям (030000)/ А.М. Столяренко. - М.: ЮНИТИ, 2006. - 479 с.